

沅湘耆舊集前編

沅湘耆舊集前編卷第二十一

新化 鄧顯鶴 子立審編

男琮謹輯

侯藤州彭老 二首 詞附

彭老長沙人一作耒陽人建中靖國時以太學生
上書得罪詔歸本貫編管作小詞別同舍語意慨
慷此詞既出各齋厚贖其行傳入禁中有旨卽令
改正屬同獲譴者不一乃格未幾登崇觀末進士
第與譚世勣同榜厯官藤州知州詩從楚風補採
得一首并附其別同舍詞於後琮案彭老詞見清
叢談又引王明清揮麈錄載紹興三年知藤州侯
彭老言本州賣鹽寬贖錢一萬貫買到金一百六

十餘兩銀一千八百兩投進詔云縱有寬贖自合
歸之有司非守臣所得進納或恐亂有刻剝取媚
朝廷侯彭老降一官放罷以懲妄作所進物退還
據此知彭老登第後恩官貶州而通志未之考也
又案通志藝文有侯延慶退齋居士文集二十八
卷見趙希弁讀書附志延慶字季長衡山人政和
六年進士官起居舍人當侍講筵高宗取杜詩直
臣甯戮辱賢路不崎嶇之句書扇以賜之其兄彭
老所爲志銘附退齋集後又退齋詞一卷見陳振
孫書錄解題據此則彭老衡山人也退齋集未見
故詩詞均無可採

人日立春

朝來煮菜往鞭牛已覺江邊雪意休
習習東風收雨脚
暄曉日綻雲頭尊前未放梅花老
鬢上先看柳帶柔
及取春盤時一醉
莫教沈瘦更清秋

別同舍生

踏莎行
詞附

十二封章三千里路當年走徧東西府時人莫訝出都忙
官家送我歸鄉去 三詔出山一言悟主古人料得皆虛
語太平朝野總多懽江湖幸有寬閒處

譚進士綸 一首

綸茶陵人政和五年乙未特奏名進士

太華山

樓閣憑天起山門傍斗開香煙凝碧落瑞氣壓蒼苔古殿
藏金屋仙人臥玉隈泉飛千澗雪風送萬峯雷星辰光滿
袖疑是法籙來

王寧化觀國 一首

觀國長沙人政和五年乙未進士官承務郎知汀

州寧化縣主管勸農公事兼兵馬監押有學林十

卷四庫全書著錄沙四庫總目提要畧觀國長

廣通志亦未之載惟賈昌朝犀經音辨載有觀國
所作後序結銜稱承務郎知寧化縣兼兵馬監押
末題紹興壬戌秋九月申中辭則南渡以後人也考
晁公武陳振孫兩家書目及宋史藝文志俱未著
錄吳曾能改齋漫錄超與皆賓退錄引之均稱學
林新編今所傳本但題學林無新編二字考袁文
蘇牖間評王林野客叢書亦祇稱王觀國學林則
當時已二名兼用矣書中專以辨別字體字義字
音為主自六經史漢旁及諸書凡註疏箋釋之家
莫不臚列異同考求得失多前人之所未發論其
大致蓋引據詳洽辨折精核者十之八九以視孫
奕示兒編始為通之而朱諸儒講考證者不過數
家若觀國者亦可謂卓然特出矣孫案觀國長沙
人自序仕履不及出身或疑通志選舉表所載道
州之王觀國別是一人今案觀國自作後序在紹
興壬戌上距政和乙未登第之年才二十七年無
由知其引一人湖南通志不為立傳而其書亦無
有知者祇後具在安待刊板流傳嘉惠士林也

題北巖院

雲巖亂石漱寒泉通夕泉聲到枕邊宛似昔年巖瀨口五

更風雨宿溪船

南安縣志

吳武昌景偁

一首

景偁平江人政和八年戊戌進士授辰州法曹討
平獠寇秦檜當國致之朝力請外補尋以薦召對
乞正權綱定國本謹邊防修兵政厚風俗開言路
六事高宗嘉之累封武昌縣開國男詩一首

宿金鋪觀

原注宋紹興辛未道士吳安世
請故羅縣基爲觀勅封今額

褰裳夜入金鋪宿清氣一宵吟不足月在碧潭風在松何

必洞天三十六

羅吏部孝芬一首

孝芬字廷颺平江人宣和間進士官吏部郎中靖

康初致仕卒祀鄉賢有雞肋集郭閭序稱其節義

凜凜惜未見全集也郭閭序節義大閑文章小技

重屈非忠君騷未必經杜非不忘君詩未必史粹

大夫徒自苦宜覆瓿王維禮部郎徒刻苦終以不

自重少貴之大節錯則源頭濁從何流出其味滿

以薄是誠棄可惜食無益者吾觀昌江先吏部羅

先生雞肋集果雞肋邪奏對有體簡而嚴議論有

本溫而理紀序有法悉而核賦詠有思婉而和豈

特一字不可棄亦豈一字不可煮邪方賊檣以和

誤國鉗士大夫口繫狗項先生獨超然遠引奉祀

香火以養親者凡二十年清矣忠矣孝矣節義凜

凜爲天下重蚤取巍科晚近高節或者爲科名惜

爲官爵惜是真雞肋耳若先生奮於百年之上百

年之後聞者爲之興起咀其華食其實可以起貪

鄙痼疾愈諛諛沈疴所益豈小乎味此然後知雞

肋其旨亦雋永矣踪案宋晁補之有雞肋集吾楚

人以此名集者亦有二一爲元慈利楊翰其一則
延颺也湖南通志成於嘉慶中尙錄其集中一序
於藝文知此集猶未佚今問之
平江人遂無有能言之者矣

躡雲亭 并序

胡世充家幕阜有亭榜以躡雲庚戌之冬避寇南走遭
基皆化爲荆榛獨此亭巋然無恙迄今有季子元孫之
慶強索余詞用書梗槩若亭之所據則洞天佳處也山
川之勝登臨之樂須主人之歸而瞰吾展矣

出山不愧草堂靈亂後看山山更青餘燼豈容遺大厦躡
雲端爲護危亭參差春燕依華浦斷續霜猿繞翠屏物色
趣君歸早晚已看蘭玉照階庭

王宣撫以甯 二首 詞附

以甯字周士湘潭人父長孺守靖州以言事落職
以甯在太學抗章申寃已由太學生仕鼎澧帥幕
靖康初徵天下兵以甯走鼎州乞師解太原圍建
炎中以宣撫司參謀襄鄧制置使進顯謨閣直學
士有詞一卷見陳振孫書錄解題

道中聞九里香

原注卽木犀花
湖南呼九里香

不見江梅三百日聲斷紫簫愁夢長何許綠牋紅帔客御
風來獻返魂香 墨莊漫錄

句

人情千里白頭浪世事幾番黃葉風

和人 茗溪
漁隱叢話

裴公亭懷古

水調歌頭
詞附

歲歲橘洲上老葉舞愁紅西山光翠依舊影落酒杯中人
在子亭高處下望長沙城郭獵獵酒帘風遠水湛寒碧獨
釣綠蓑翁懷往事追昨夢轉頭空孫郎前日豪健頤指
五都雄起擁奇才劍客十萬銀戈赤幘歌鼓壯軍容何似
裴相國談道老圭峯

謝法曹用賓一首

用賓祁陽人紹興五年乙卯特科進士官橫州法
曹用賓少跌宕不與俗伍讀書過目成誦嘗閱南
軒先生希顏錄慕之往見求一言終身之訣先生
曰其敬乎自是言動不苟研精性學以聖賢自期
許又親受業呂伯恭祖謙之門用特科薦任法曹

有聲尋歸隱號雲山野客時稱白雲先生詩未見
僅從方志得其題澹巖四語

澹巖

雲山野客家在浯溪乘風而來泛月而歸

鄧轉運深

深字資道湘陰人紹興十二年壬戌進士試中教
官入爲太府丞提舉廣西市舶以親老求便郡知
衡州擢潼川路轉運使以朝散大夫終於家有紳
伯集二卷見四庫全書總目外閒無傳本余往
客揚州屢從文宗閣藏書中求之未獲比輯者
舊前編又遺書同鄉京朝官諸君子覓鈔亦未得

也謹虛其左方以待他日補輯云

四庫全書總目提要案鄧紳

伯集散見永樂大典中哀集排纂尚得二卷然原本不著其名亦不著時代諸家目錄皆不載其書惟集中有遊羅正仲磬沼分韻詩題曰深得一字又有諸人集貧樂軒賞花分韻詩題曰深得把字則其名當為鄧深考永樂大典鄧字韻下引古羅志曰宋鄧深字資道試中教官入為太府丞輪對論京西湖南北戶及士大夫風俗高宗嘉祿提舉廣西市舶以親老求便郡知衡州茶陵安仁溪峒之盜望風帖息擢潼川潼鹽酒虛額久為民害請於朝蠲川引四十七萬守令貪虐劾奏之虞允文貽書云不畏彊禦思濟斯民挺然之操未見近比後以朝散大夫終於家愛居東湖之勝建閣曰明秀有文集十卷凌迪知萬姓通譜亦載鄧深湘陰人紹興中進士餘與古羅志同是縵中鄉人禱雨有應寓烏石及詠醴泉題巖石山石鼓贈別饒司理別長沙驛渡玉虛洞諸作其地皆近衡州探禹穴溯峽三游洞峽江濫頗堆諸作其地皆近潼川與深宦遊所歷一一相符則此集為鄧深所撰審矣惟紳伯之字與古羅志所載不同殆有兩字欺黃虞稔千頃堂書目載有元鄧大隱居士詩集此

集中答世友詩有小軒名大隱句又有自賦大隱
一律與之相合然核其詩句標題實宋人而非元
人或大隱即深別號大隱居士詩集卽此集之別
名虞稷等展轉傳寫誤宋爲元亦未可知也琮案
湘陰鄧氏宋以來多貴顯天禧間有鄧咸者初義
學於邑南訓誨子弟湘楚之士如江夏馮京安州
鄭獬胥從之遊見楚紀湖南通志藝文又有鄧中
丞家集中丞名淵宗寧二年癸未進士初爲鄆廷
經畧使幕官除國子丞遷虞部員外郎大觀初星
變求言上封事多剴切蔡京惡之左遷監酒稅知
懷州嘉泰二年以察官上言弛僞學禁其有功名
教如此今其集久佚無一字流傳可惜也詳見高
斯得恥堂存稿斯得跋鄧中丞家集後云秀巖先
生李公朝野雜記載嘉泰二年言者論近歲習僞
之徒倡爲攻僞之說今陰陽已分眞僞已定人之
趨向已正望播告中外專事忠恪奏可其年二月
朔遂復趙忠定公資正殿學士徐子宜劉德修陳
君舉章茂薦辭象先後復官自便或典州宮觀又
削薦牘中不係僞學一節俾勿復有言時朱文公
沒已踰年周益公畱衛公皆已斥貶還政冬十月
詔交公以次對致仕閏十二月制復益公少傅衛
公少保自是僞禁稍稍解矣予始讀之甚偉言者

是舉以爲機括轉移之閒邪說遂止善者獲伸國
驛道命至於今是賴記不表出其人爲深可惜及
來湘中得觀中丞鄧公家集則知此疏乃公爲察
官時所奏也彭忠肅公與往來之書稱其正論偏
偏扶持善類於荆榛摧折之餘又深歎其措意懇
惻委蛇曲折之爲不易惜乎公以謫死斯事世鮮
知之比年甯錄登進之時秀巖與予先後去國不
知後來秉筆者果能搜羅而紀載乎否也予方被
命還朝會當告之秉筆者
庶幾補太史氏之闕云

沅湘耆舊集前編卷第二十一終

沈約著舊集前編卷第二十二

新化 鄧顯鶴 子立審編

男琮謹輯

李朝議長庚 十五首

長庚字子西寧遠人紹興二十四年甲戌進士子
西宋史無傳通志仕履事蹟亦未詳但稱其居官
五十年仕至朝議大夫廉潔有守不事生產積書
數千卷號其讀書之室曰冰壺卒年八十六祀鄉
賢有冰壺集子大光大言皆特科進士亦有詩名
子西詩清挺隱秀無粗獷纖佻之習亦南宋以後
不可多得者今冰壺集久佚僅得詩十五首亟爲

采錄案九疑冷道間自來多詩人傳世者少如宋
楊齊賢註太白集三十卷四庫全書總目稱杜
集北宋以來註者不下數十家太白集今惟此本
行世而已又云註中多徵引故實兼及意義卷帙
浩博不能無失然其大致詳贍足資檢閱其於白
集固不爲無功云云考齊賢字子見舂陵人今方
志作寧遠人其所自著乃無一字存留獨此本爲
世所共傳他家之佚更無論矣

琮案子西晚歲遷居
江華故又爲江華人

懷陳士淳鄧伯元

陽華近十里不到十餘年乃知聲名鎖能嶂山水緣今日
與隣曲勝遊追澈川瘦藤穿犂角一葉弄潺湲巖窟隱翠

門梵宇浮青蓮一笑躡飛虹毛骨清欲僊婆娑寶纓絡放
浪玉壺天曲肱臥盤石滌耳聽流泉片雲飛雨來更覺秋
凜然酒盡合歸去千林昏暝煙

招陶別駕家陽華巖

海內厭兵革騷騷二十年陽華洞中人似不知亂焉誰能
家此地終老可自全草堂皆巖洞幾峯軒戶前清渠而庭
堂出門仍灌田半巖盤石徑高亭臨極巔引望見何處透
迤隴北川松幾萬萬株蒼蒼滿前山巖高暖陽華飛湍何
潺潺洞深迷遠近但覺多迴淵晝夜興未盡日暮不欲眠
探奇餘洞水公獨不忍然無何畢婚嫁竟爲俗務牽

自寧遠來遊陽華

沿巖渡水六七里，劃見幽居畫屏倚。
卻躡長江信步行，下瞰清流皆腳底。
漫郎泉石之董狐，妙語品題良不誣。
千巖萬壑果何似，吾家九疑誠不如。

約鄧致道遊陽華

我來挈挈倦塵沙，下馬無心更憶家。
不願客中逢熟食，只知醉裏是生涯。
花閒頓覺春光老，柳外還驚日腳斜。
甚欲與君尋勝去，何妨策杖到陽華。

游陽華

遙指澹山如削，瓜碧雲一朵。
是陽華，莫言古洞中無物，須信巔巘下可家。
細聽泉聲響環珮，更看山色媚煙霞。
一丘一壑平生事，不覺歸鞦聽晚鴉。

同邵伯元陳士淳游陽華

說著幽巖意已清
那堪地近一牛鳴
座繁俗累不容到
君見山靈頗寄聲

陽華山水自雙清
況弄朱絃金石鳴
我是行人那敢聽
恐翻別調作離聲

雲水光中清更清
從他山寺曉鐘鳴
滿船載月空來好
一笛穿雲裂石聲

蔣助教招飲陽華巖

春風今日扇陽和
觸目江山發興多
如畫幽巖無十里
輕衫短帽得婆娑

偶尋山徑到陽華
碧玉玲瓏正可家
近想舊游如夢寐
摩

沙石壁但咨嗟

我識陽華十六年當時面目故依然清泉白石都無恙皓
髮蒼顏只自憐

巖下畱連且盡歡不知紅日半銜山歸時林壑風煙暝賴
有昏鴉相伴還

同令尹張濟之遊獅子巖晚次陽華

朝遊獅子晚陽華翫水尋山樂匪涯野鶴沙鷗慣看客一
雙對立渡頭沙

到此令人憶漫郎筆端妙語發天藏泉聲漱玉生秋思不
減湖中五月涼

雨餘山色媚晴暉無事孤雲自在飛坐到黃昏猶不惡載

將明月滿船歸

李舍人揆 二首

揆瀏陽人乾道二年丙戌鄉舉授寧遠尉遷上高
令累官中書舍人揆居官恬退初尉寧遠時獲盜
數十或曰可用賞脫選揆曰殺人以階榮吾不爲
也及宰上高訟簡庭空有太平官府原無事聊放
衰翁半日閑之句今存詩二首皆令上高時作饒
有風格惜不能多得也

勸農

園林二月春纔半朝日曛曛天氣煖東風放盡柳梢青已
有黃鸝嬌睨院波翻嫩麥綠連波露入天桃紅滿眼筍輿

乘興入招提。苾蒭留我炊香飴。山泉煮茗更味長。又得禪
林半朝款。兀突豐碑三百年。古人事蹟今苔蘚。臨風抖擻
簿書塵。倚杖須臾歸已晚。耕夫夾道看長官。百錢贈汝聊
旌勸。從容後騎毋疾驅。要數山前蒼翠點。

元夕值雨

山縣逢元夕。東風雨濺燈。漁籌臨遠浦。鬼火附寒藤。酒市
可羅雀。官寮當曲肱。狂歌吾老矣。猶紀舊時能。

姚教授宋佐一首

宋佐字輔之郴州人

一作桂陽

乾道八年壬辰進士官

靜江府教授性廉介少嗜學家極貧而有詩名今

存詩一首

梅月吟

梅花得月太清生月得梅花越樣明梅月蕭疏兩奇絕有

人躡月繞花行

詩人玉屑

趙忠肅方

三首

方字彥直衡山人父棠少從胡宏學慷慨有大志
嘗見張魏公於督府大奇之命子栻與之交登淳
熙八年辛丑進士初授蒲圻尉遷青陽令知隨州
累官江寧府主管湖北安撫司兼荆湖制置進右
文殿修撰權工部侍郎兼知襄陽府以功遷龍圖
閣待制封長沙縣男賜食邑進煥章閣顯謨閣直
學士刑部尙書進徽猷閣京湖制置大使卒贈銀

青光祿大夫謚忠肅公知勇深沈忠誠奮發初知
隨州時適和議成諸郡弛備公獨招兵擇將拔土
豪孟宗政扈再興等補官後卒得其力皆爲名將
知江陵增修三海八匱以壯形勢時金逼於兵計
必南徙公築堡增戍日夜爲備金人圍棗陽公遣
宗政再興往援夾擊之圍解金將完顏賽不入境
兵號十萬公部分諸將大破之禽其妻弟王醜漢
金人復屢舉深入公遣兵分禦屢大挫其衆最後
伺金人歸邀擊大敗之金衆遂潰擒其監軍合答
終公之世金人不能得志於宋病革力疾視師引
再興臥內勉以報國賒書宰相論疆場大事卒之

夕有大星隕於襄陽詩不多見僅得絕句三首

南朝

通志叢談辛棄疾帥長沙士人訴考試官濫取第
十七名春秋卷棄疾索亞榜春秋卷兩易之啟名
則趙鼎怒曰佐國元勲忠簡一人胡爲又一趙鼎
擲之地次閱禮記卷曰此必豪傑士啟之乃趙方
也

嶽亭

南岳高峯七十二祝融峯直老人星平生最有看山興一
上斯亭雙眼青

水閣

四圍綠水遶重重孤閣高撐渺渺中人在閣中憂思遠應
隨水到海涯東

東岑

讀書茅屋白雲岑日月如流老欲侵岑傍松杉栽萬樹於

茲十載已成林

易尚書祓 六首 詞附

祓字彥章寧鄉人淳熙十一年甲辰進士累官至

禮部尚書開禧初以事謫融州移全州衡州得旨

自便家居號山齋居士嘉定中以原官起用轉朝

議大夫封寧鄉開國男所著有周易總義周禮總

義易學舉隅禹貢疆里等書今存詩五首四庫總目提

要南宋館閣續錄載祓淳熙十一年上舍釋褐出身慶元六年八月除著作郎九月知江州周密齊

東野語則載其黨事蘇師旦由司業職擢左司諫師旦敗後貶死蓋館閣續錄但記其入院出院之

事密所記則其究竟也祓人不足重其書世亦不甚傳故宋彝尊經義考注曰未見然其說易於經

義實多所發明與耿南仲之新講義均未可以人
廢言也前有祓門人陳章序稱祓別有易學舉隅
今未見唯所撰周官總義尚散見永樂大典中樂
雷發有謁山齋詩曰淳熙人物到嘉熙聽說山齋
亦白髭細嚼梅花讀總義只應姬老是相知案
山齋宋史無傳四庫總目據齊東野語謂其黨
事蘇師旦由司業躋擢左司諫師旦敗後貶死遂
謂祓人品卑汚於經義頗有考據不以韓侂胄蘇
師旦掩其著書之功又別集類於樂聲遠雪礮叢
稿則云集中有謁祓山齋詩乃結契於蘇師旦之
黨殊不可解殆以祓究心經學且前輩舊人故畧
其瑕垢而交之固不足以為雷發累也其誠之力
如此今案寧鄉縣志被墓志云開禧二年丙寅七
月除禮部尚書九月入祠提舉江州太平興國宮
丁卯十一月謫融州丙子祠移全州衡州得旨自便
嘉定十三年庚辰以原官起用乙酉轉朝請大夫
是為理宗寶慶元年丁亥以郊祭恩轉朝議大夫
封寧鄉開國男食邑三百戶嘉熙二年致仕四年
庚子三月二十日卒壽八十五雪礮叢稿所云淳
熙人物到嘉熙聽說山齋亦白髭也湖南通志易
氏家譜略同無貶死之說計山齋自庚辰起用至
庚子始卒距其被謫時三十餘年其間復官轉秩

封爵食邑歷歷可考較師旦未敗時更顯理宗登
祚後方弛僞學之禁其時朝政清明公論昭著山
齋既不容清議以穆陵之英明何所愛而必畀以
五等崇封密宋室遺民興謝翺友人品清卓所言
當不誣今亦不敢臆斷要以經師儒碩如山齋者
稍有遺議亦不能解免於後世士之自立審於出
處進退之際豈可苟哉又案被

字彥章一作彥祥又字彥偉

涪溪中興頌

湘江東去直涪溪上有十丈中興碑誰鑿豐碑鎮山曲溪
邊美人美如玉想當歌頌大業時胸蟠星斗光陸離蠶頭
蠶尾更清勁凜凜襟懷冰雪瑩水部之文魯公書兩翁寂
寥千載餘後來更有黃太史健筆題詩起翁死一派溪流
澈底清溪邊鏡石堅而明我思古人不可見水石猶作瓊
瑰聲偶來真仙訪遺蹟煙雨淒迷山路溼野叟蒙頭看打

碑君其問諸水邊石

寄御史節判陶岑

我醉欲眠君罷休誰能倚杖聽江流
蕉花當戶不知午梧葉滿庭疑是秋
吾道從來無物累此心何處不天游
鴻邊幸有音書至春在江南雲夢洲

懸鐘石

不今不古不朝昏只與南山伴白雲
我既無聲亦無臭衆生當以不聞聞

示從姪茂

萬事皆從忙處錯寂然不動乃能通
君看開濟規模事卻屬南陽高臥翁

識山樓

山外如何便識山
白雲出岫鳥知還
更看面目知端的
卻在先生几格閒

附山齋識山樓記嘗觀坡翁廬山詩曰橫看成嶺側成峰遠近看山了不同不識此山真面目只緣身在此山中蓋以山中之人終日耕桑樵牧爲生於是所見益狹所處益隘豈識山之所以爲山余於山外求之左江右湖諸峯聳然千巖萬壑層見疊出雖未周歷遍觀而廬山高致已了然於胸此坡翁識山之意也僕於嘉定已卯歲自湘城歸爲浦復尋山三徑之舊正在爲山之外作樓於所居之南其下爲讀書堂旁一舍環列於其間設花臨與樓相對僕老矣日游息於是爲山在望紫翠交錯若拱若揖相爲酬酢山閒以四時代謝煙雲變化朝暮萬狀不越指顧之頃洞察秋毫之微茲果爲領領一笑遂摘坡翁詩句以爲一匾

舊山溪詞附

海棠枝上畱得嬌鶯語雙燕幾時來並飛入東風院宇夢
回芳草綠遍舊池塘梨花雪桃花雨畢竟春誰主東郊
拾翠襍袖霑飛絮寶馬趁雕輪亂紅中香塵滿路十千斗
酒相與買春閑吳姬唱秦娥舞判醉青樓暮

王侍郎容一首

容字南強湘鄉人淳熙十四年丁未一甲第一名
進士累官禮部侍郎理宗朝追贈銀青光祿大夫
待制嘗奉勅撰光宗日曆三百卷寧宗日曆五百
一十卷南強宋史無傳湘鄉志事蹟亦不詳惟稱
其嘗陳禦戎策召對東閣策文亦未見今案陳傅
良止齋詩鈔有送王南強赴紹興簽判四首詩近

湘鄉蔣篤因湘培云以四詩證之知南強以言事
用兵復仇被斥逐復參戎幕也既見其立身居官
之大節又證其爲當時賢人君子所推重其言良
不誣矣湘鄉縣志拾遺淳熙十四年四月十七日
戊子賜進士王容等四百三十五人時帝
策士不盡由有司是舉容本第三親擢爲榜首謂
近臣曰王容之文質實其後陳禦戎之策復召對
至東閣跡其生平得君如此而立朝表見必有大
過人者今事蹟既無可稽考貢舉策賦及廷對之
文禦戎之策亦無有存者舊志僅載其謝恩一詩
今易宗浚得其建昌一序袁州府志載其玉樓春
半闕而已袁州府志容省試過袁州禱仰山神
夜宿州東旅舍夢人歌玉堂春半闕云玉堂此處
春風暖正飛絮馬前掠亂婦娥剪就綠羅裳付來
到窮宮與換後果及第蔣湘培湘中雜詠云門
戶紛紛太劇顛可堪喋口說幽燕甲科莫道成何
事早是詞章二百年自注湘鄉志惋王南強容事
迹不若余按止齋集有送王南強赴紹興簽幕四
首以四詩證之知南強以言用兵復仇事被斥逐

復參戎幕也既見其立身居官之大節又證其爲
當時賢人君子所推重云案止齋字君舉永嘉人
殿試謝恩詩

天上催班曉色清五星伏盡極星明
奏章讀徹三千字臚唱傳來第一聲
質實兩言雖樸語始終大節詎恆情
聖恩醲厚難圖報誓竭愚衷畢此生

附錄止齋送王南強赴紹興簽幕四首詞章行天
下嘉賴二百年甲科至公卿誰敢謂不然有人妄
媒孽一世所棄捐我亦欲護短諱不言幽燕汗簡
在吾後覆車在吾前人人尊孔孟家家誦詩書未
省有宇宙孰與今多儒儒者道如砥豈其自崎嶇
中以黃老廢賈以絳灌疏漢家當紛紛政爾門戶
殊歷官如歷階越等多所傷奈何坳堂水持綆萬
丈長誰無斯世方乃此袖手旁永夜淚不禁仲尼
故皇皇又聞雖小魯乘田問牛羊聞之浙河東見
之湘水南未歸卻相送既喜復不堪行矣乞自便
帥幕或可參君方乘日長勉爲停
朝驂我池有螭螭我園有黃柑

趙制置范

一首

范字武仲衡山人忠肅公方子少從忠肅軍中與
弟葵連殲金人於高頭於天長授制置安撫司父
憂起直祕閣通判揚州知光州入爲刑部侍郎權
知鎮江進直徽猷閣知揚州又知池州兼江東提
舉常平進直敷文閣淮東提刑兼知滁州鎮江府
母憂起復直徽猷閣淮東安撫副使尋轉右文殿
修撰屢請於朝討李全言戰守機宜甚至紹定中
又請罷調停之議詞甚迫切朝旨乃許於是討賊
之謀決遂戮全拜兵部侍郎淮東安撫兼知揚州
進工部尙書沿江制置副使未幾爲兩淮制置使

進端明殿學士京河關陝宣撫使知開封府東京
留守江淮制置使洛師潰授京湖安撫制置使兼
知襄陽坐失機再降建寧居住嘉熙初復官卒於
家有詩一首

絕句

半窗圖畫梅花月一枕波濤松樹風不是客愁眠不得此

山詩在此香中

全芳
備祖

趙忠靖葵

五首

葵字南仲號信庵范弟父忠肅公尉蒲圻時夢南
嶽神降其家因生焉少從父軍中遇敵深入死戰
諸將恐失制置子盡死救屢獲捷嘉定中解棗陽

圍攻金人高頭俘斬及降者幾二萬獲萬戶而下
十數人又與兄范攻金唐鄧屢戰大捷拔所掠子
女萬餘得輜重器械山積補承務郎知棗陽軍父
憂起復通判廬州進大理司直淮西安撫參議時
李全往青州公與淮東制置使許國議兵不合國
敗出知滁州紹定二年全將告糴浙西公上書史
彌遠曰此賊若止欲得粟尙不宜使輕至內地况
包藏禍心欲覘畿甸若不痛抑其萌則自此肆行
無憚所謂延盜入室恐畿內有不可勝諱之憂至
滁以其地當賊衝又與金人對境實兩淮門戶修
城浚隍不少暇適母病謁告省侍不得刲股雜藥

寄之母卒求解官不許不得已卒哭視事全造舟
益急公復致書彌遠請發兵討不聽又力言於朝
乃加公直寶章閣淮東提刑知滁州刻日視師全
攻揚州公親出戰數捷進福州觀察屢遷兵部侍
郎淮東制置兼知揚州入對帝曰卿父子兄弟宣
力甚多卿在行陳率先士卒捐身報國此尤儒臣
所難時議收復三京以公權兵部尙書京河淮東
制使前後畱揚八年墾田治兵邊備益飭進大學
士知潭州兼湖南安撫改福州屢上疏乞追服終
制不允授同知樞密院樞密使督視江淮諸路軍
馬封長沙郡公判潭州宣撫廣西改鎮京湖再判

潭州進少保魏國公判慶元府建康府江東西兩
淮宣撫判揚州加少傅致仕授少師武安軍節度
使冀國公薨贈太師謚忠靖有集公世將宿望制
置江淮以身爲南宋長城者四十餘年端平以後
捍禦淮蜀兩邊非公材館之士卽其偏裨之將則
謂景炎祥興之祀皆公父子有以延之可也公勛
業震耀不以詩名其詩陶寫性情政不易及惜其
集不傳劉後村跋少保丞相魯國信庵趙公事兩
朝出將入相四十餘年發曠懷於翰墨寓
雄心於杯酒其詩謨定命則雅人之致家庭唯諾
則萬石之風結交氣義則河梁之作望古據慨則
梁父之吟至於陶寫性情賞娛風月則雖
玉臺香奩諸人極力追琢者不能及也

秋浦樓

龍巖峩壯城闕萬里關河歸目曉雨餘漁釣玉匳開煙
外芙蓉翠屏列吳頭楚尾二十秋滿耳絃歌聲未絕不才
監綴鴛鴦行夜夢時還許歸謁蕭晨振策來翠微母憐吾
兒倍怡悅昔偕汝父居是邦舊事辛苦爲兒說星星鶴髮
簪霞冠笑看朱衣擁金節一門和氣皆君恩恩與天同酬
未得生平區區忠孝心歲晚願爲松與柏可堪清賞屬登
臨風景不殊人事別徘徊徙倚十二闌角聲吹上梅梢月
雪夜

酒力欺寒淺心清睡較遲梅花擎雪影和月度疏籬
雪

玉龍昨夜起天涯曉看團花一尺圍莫放粧臺簾卷上怕

驚釵畔寶鸞飛

後村千家詩

避暑水亭作

水亭四面朱闌遶簇簇游魚戲萍藻六龍畏熱不敢行海

水煎徹蓬萊島身眠七尺白蝦蟇頭枕一枚紅瑪瑙公子

猶嫌扇力微行人却在紅塵道

昨非庵日纂趙葵常避暑水亭作詩六句已成葵遂

睡去有待婢續二句云云

惠山寺

古木森森映碧苔嗟峨樓閣倚天開山僧不問朝天客自

注冰泉浸野梅

常州府志

趙建寧潛

二首

詞附

潛字元晉自號冰壺衡山人忠靖之從子咸淳中

官沿江制置使知建寧府北兵深入其弟淮被執
不屈死於瓜州元晉倉皇自京口徙金陵已棄城
南奔不返死葬海旁亂島間有詩一首

焦山

丹石無光古刹存蘆沙漁鼓□朝昏江淮門戶天分合日
月軒窗海吐吞沙足半沈曾瘞鶴雲腰中斷□呼猿丁甯
爲我畱佳處茅屋三閒護竹根焦山刻石云頑石爲山出
色冰壺欲援東坡故事爲
我佳處畱茅庵因說偈言
靖師作證咸淳壬申九月

西湖春泛

臨江仙

詞附

隄曲朱牆近遠山明碧瓦高低好風二十四花期驕驄穿
柳去文鷁挾波飛簫鼓晴雷殷殷笑歌香霧霏霏閒情

不受酒禁持斷橋無立處斜日欲歸時

沅湘耆舊集前編卷第二十三

新化 鄧顯鶴 子立審編

男琮謹輯

劉武子翰 七首

翰字武子長沙人有小山集見陳起江湖後集宋

詩紀事稱其爲吳雲壑居父之客集未見琮案雲壑名琬

憲聖

姓太寧郡王益之子后喜翰墨益因緣

戚里兄弟並有書名可想見一時子弟交遊文采

風流之盛又案劉後村云元祐間最爲本朝文章盛其後有劉翰武子尤爲葉水心賞重

翠屏曲

小亭簾幕垂陰陰梅香入枕春生屏西窗月落翠被冷鳥聲殘夢東風醒三年不喚清溪渡夢裏灤西春水路江頭

女兒雙翠眉能唱劉郎芳草句

種梅

淒涼池館欲棲鴉彩筆無心賦落霞惆悵後庭風味薄白
鋤明月種梅花

石頭城

離離芳草滿吳宮綠到臺城舊苑東一夜空江煙水冷石
頭明月雁聲中

鴻門宴

江東遙遙八千騎大戰小戰七十二劉郎曉鞭天馬來蹴
踏長安開帝里子嬰已降隆準公君王置酒鴻門東張良
已去玉斗碎三月火照咸陽紅繡衣歸來日將夜可惜雄

心天不借當時已失范增謀尙引長戈到垓下刁斗乍急
營壘驚夜深旗尾秋風橫玉帳佳人不成夢月明四面聞
歌聲拔劍相看淚如雨我作楚歌君楚舞明朝寶馬一聲
嘶江北江東皆漢土

吳門行

吳歌婉婉清如水西風曉自闌門起雙橈艇子采菱來翠
荷綠蘋香十里芙蓉影落已知秋濺溼羅衣眉黛愁回身
蕩槩入門去明日家家秋水流

立秋日

乳鴉唳散玉屏空一枕新涼一扇風睡起秋風無覓處滿
街梧葉月明中

客去

送客歸來月滿簷
梅花微笑隔疏簾
酒醒今夜銀屏冷
沈沈水熏爐旋旋添

胡好問景裕一首

景裕字好問湘潭人進士好問博學惇信義舊與
高平范公稱之父相識京邑范避地至潭行裝垂
罄好問亦困居乃以千錢爲餞曰某雖貧里中有
所貸公今流落途窮少助行色范謝其意而卻之

見公稱過庭錄

琮案通志選舉表無景裕名人物傳稱湘潭進士仍過庭錄舊文也

餞范子

原注公稱之父

當年邂逅帝王畿
歲月侵尋若電飛
學士榮除青瑣闥
故

人老著白麻衣尊前且鬪閑身健眼底休論往事非第恐
鋒車促嚴召片帆明發不輕違

唐德明人鑑一首

人鑑字德明零陵人楊誠齋萬里解零陵法曹任
假寓其宅齋舍齋前後種竹萬竿誠齋名曰玉立
以况其爲人且稱其莊靜端直有聞於道見誠齋
集玉立齋記

答誠齋問卜

聞熱爐香要決疑不疑何用卜著龜聖人自有韋編在進
退存亡豈不知

附錄誠齋江湖集鈔中題唐德明玉立齋詩坡云
無竹令人俗我云俗人正累竹玉立齋前一萬竿

能與主人相對寒看竹破詩筆生力山童怪予遽
忘食不但不可一日無斯須無此看何如詩成欲
寫且復歌恐竹嫌詩未清絕丁甯一竿不可除竹
亦何曾減風月又謝德明惠筍詩高人愛筍如愛
玉忍口不餐要添竹云何又遣十輩來昏花兩眼
爲渠開販夫束縛向市賣外強中乾美安在錦紋
猶帶落花泥不諭燒煮兩皆奇猪肝累人眞可作
以筍累公端不惡又題所寓德明書齋詩鳬鷺行
中脫病身竹林深處得幽人只言官滿渾無事也
被詩愁攪一春又題唐德明建一齋詩城南前江
後山址竹齋正對寒江散不嫌漁火亂書鐙只苦
檣聲驚睡美平生刺頭鑽故紙晚知此事無多子
從渠散漫汗牛書
笑倚江樞弄江水

蔣充之擴一首

擴字充之里貫未詳亦衡湘間人也范忠宣謫永
館郡人鄧璋德甫於門下敎授諸孫璋舉遺佚過
長沙與擴遇於旅寓擴贈以詩由是知名楚賢獨
行傳增

軾鄧璋字德甫永州人范純仁謫永州璋館門下
教授諸孫有詔舉遺佚提舉湖南學事胡安國以
璋應詔璋過長沙與故人蔣擴遇擴以詩送之云
云零陵舊李良輔媚附蔡京以擴詩聞於上擴破
貶竄舉璋者皆譴訕又王繪永州布衣與璋同舉
二人老不歛行安國請命之官以勸為學者良輔
稱二人黨人范純仁客而流人鄒浩所請託也蔡
京素惡安國得良輔言大喜置獄推治見宋史胡
安國傳二人人事蹟亦無考跡其見重諸君子尊師
取友其人之賢可知乃指為黨人推及舉主小人
醜正無所不至險矣哉琮案鄧璋
汪繪皆永士之賢者惜無詩可采

送鄧德甫

高談耳冷幾經秋邂逅長沙得少留莫畏洞庭風浪險主
翁原是濟川舟

董道輔一首

道輔武陵人事蹟無考宋詩紀事引景定建康志

稱其爲于湖張孝祥門人考孝祥字安國舉紹興二十四年進士第一爲秦檜所忌事蹟具宋史本傳有于湖集四十卷四庫全書著錄稱其每作詩文輒問門人視東坡何如觀集中諸作大抵摹倣蘇詩縱橫兀傲故程史言其平日氣吐虹霓又稱其詞繼軌東坡氣概幾近嘗在建寧畱守席上賦水調歌頭一闋感憤淋漓主人爲之罷席其忠憤慷慨足以動人案于湖卓有時譽又與南軒爲友朱子亦嘗稱之道輔雖無考觀其拳拳師門如此其爲文章節義之士斷可識矣今存詩止一首風格氣味儼然蘇門家法惜他詩不傳志乘又不

紹熙庚戌中秋後三日拜于湖先生墓

爲立傳無由知其本末也琮案陳氏書錄解題安國甲戌冠多士出思陵親擢秦檜孫塤既出其下檜忌惡之以他事下其父子大理獄明年檜亡上既素眷不五年登法從阜陵尤眷之不幸不得年上嘗有用不盡之數文翰皆超逸天才也又宋史本傳安國先以修撰知靜江府廣南西路經畧安撫以言者罷俄起知潭州復待制徙知荆湖南北路安撫使凡兩官吾楚道輔受業當在此時惜其人無可考故畧錄于湖本末俾讀道輔詩者可因師友淵源想見梗槩云

曉山白下門瘦馬踏秋色鍾山度蒼翠慰我遠遊客暮投清果寺花草獻幽寂長廊靜無人落日照東壁平生張子湖萬里去一息翩然九州外汗漫跨鯨脊乾坤能幾時安用較顏跖文章失津梁所念斯道厄夜闌耿不寐搔首聽簫瑟懷人感西風翁仲守孤柏

李練溪儒用 二首

儒用字仲秉平江人朱子門人嘉泰二年壬戌進士歷官制幹其學長於春秋朱子帥長沙與邑人吳雄同往受業往復辨難今語類中多其問答語學者稱練溪先生有理致集

瑞案吾楚自元公倡明絕學上探洙泗之原下啟閩洛之緒又得朱張兩先生講學唱和於此湖湘之士翕然從風其從遊姓名可稽者平江練溪之外有李璠李杞方志誤作李祀吳雄鄒觀方觀毛友誠李璠再傳至方遲遂以其名聞於朝又有許丙許應寅魯仕能遲之門有萬鎮皆展轉師授淵源可考今平江鄉校有九君子祠卽祀儒用及魯仕能許炳毛友誠吳雄方觀鄒觀方遲萬鎮九人也此外尚有湘潭鍾震湘鄉周夷彪虎臣居正父子體陵黎貴臣零陵蔣復吳倫義太初呂陟常寧裴蓋卿衡山廖悞廖謙皆朱子門人有葉定者亦受業南軒吳倫從南軒遊最久而體陵吳文亢公獵寶出朱張之門論者謂湖湘之士一出

于正實職表空之然皆無詩可採今摛韓志乘片
有韻之文悉資誠練溪之後從其類也又元公同
時有永明周子俞先生名堯卿其學亦元公之亞
也舉天聖二年進士積官至太常博士范文正公
薦於朝稱其經行可爲師表其卒也歐陽文忠公
表其墓所以推尊者甚至宋史有傳後儒鮮有稱
述者今欲求其隻字入斯集不可得而鄒方諸君
子詩雅近擊壤體儒者之言不敢以詩人目之也
登中梁山原注時體陵吳畏齋先生以制置使宣諭
蜀中辟公上幕吳亦朱子門人詩作於是
時故有時
危憂國語

浩蕩秋風使節歸南山重與北山違自來人物瞻烏帽更
共賓僚歎綠衣秦地關河纔咫尺漢都風景尚依稀壺漿
迎處多遺老絕歎登壇往事非

路入梁州如砥平登高遠目更增明霜清木落千山瘦潦
盡江空一水橫歲穩未寬憂國志時危轉切望鄉情英雄

千載興王地孺子堪憐此曳兵

鄒孝行輓

五首

輓字孝行一字行之平江人朱子帥長沙道出平江以書謁者甚衆輓獨見禮甘貧悅道不事生產其卒也友人方輓叔行爲之棺斂有自樂軒集

道謁朱晦庵先生

武夷洞前皎月生歸人近得坦途行陰霾滌盡無纖翳遠徹乾坤一樣明

野意淒涼遠俗情出門一笑亂山青凝兒白晝猶鼾睡可
是無人會喚醒

謁毛竹閒先生

不辱其身不辱親要明聖學盡人倫豈爲媚世文章士養
就中和萬古春

題讀書林

諸君著意讀書林好去鳶魚箇裏尋不必浪浮空記誦且
須識取各人心

山居寓興

花陰不正月將西欲到溪邊步懶移坐對前山無一語此
心惟有古人知

毛伯明友誠一首

友誠字伯明平江人聞康叔臨得伊洛之傳避地
岳陽因徙家巴陵往從之時李燾分教岳陽極爲

敬禮學者稱竹閒先生

謝李宏齋先生

何以答夫子力學窮朝晷瞬息纔不學老與衰相親誓參
舞雩樂胸中長暮春

方叔行輓二首

輓字叔行平江九君子之一也初受業宏齋李燾
與雙峯僂魯友善安貧樂道前後徵聘皆不赴其
友方暹以學行應諸帥召輓獨少之韓履常與郡
慕其高風造廬僅許一見魏了翁題其所居曰學
齋有詩二首儒碩之言不害其爲擊壤體也

里中張氏母出與邑宰母宴餞以詩

張氏母哀稱壽星生紹興庚申今有百五齡子孫耕稼食
可飽女婦紡織衣稱情白髮既脫生黑髮耳目聰明長步
行五朝皇帝恩廣大一老平時身太平鄉里皆慶喜縣官
問姓名闔門漏屋下上詣縣官廳太夫人之面可識太夫
人之堂可升自注時邑宰母在官卽前再拜問起居謝官下念田里
俛尊高年以長其長凡爲人子涕歎聲

道巖

太極巖圖出道州茲巖名道實相猶元公圖說茲巖具好
向巖中仔細求

秦公肅噩

一首

噩字公肅安仁人嘉定十三年庚辰進士亦以理

學著學者尊爲南澗先生詩一首

清溪曉行

瀾瀾一溪水滔滔終古清
晃漾吸初日風靜波不生
衝煙出孤棹微聞欸乃聲
寄言彼漁父吾欲濯吾纓

吳材卿必達一首

必達字材卿道州人以詩義薦名舉淳祐元年辛丑進士第一授建康教授擢奉議郎禮部架閣兼給事中借紫金魚袋詩未見僅得其謝恩一首與

王南強同

及第謝恩詩

聖朝更化廣搜賢丹陛遙瞻穆穆天
厯數萬年垂統正精

微一理得心傳輸忠敢罄劉蕡膽擢第應同李邵肩四海

尙期王德洽小臣稽首頌周篇

珠案李邵字子元邵平聲通鑑作李邵侯閭反又作

入聲今觀材卿詩則當時皆作邵矣

廖天民行之詞二首

行之字天民衡陽人淳祐

四庫總目作淳熙

四年甲辰進

士嘗官岳州巴陵尉以親老勾養歸注授寧鄉主

簿未赴有省齋集十卷見

四庫全書總目天民

名位不昌故姓字不著史傳其所著作諸家亦罕

著錄今其詩不見僅從詞綜採入詞二首

四庫總目提

要省齋集十卷乃其子謙所刊原本十卷今從永樂大典中採掇哀輜篇帙頗夥似當日全部收入謹排次審訂仍析爲十卷以還其舊其文章大抵屏除藻繪務以頌樸爲宗或不免近於樸俚然其

詞意篤實切近事理亦足以想見其爲人案省齋
通志有傳稱其內行修飭留心經濟卽提要所云
可想見其人也

重九憶羅舜舉 青玉案

家山去此無多路久沒个音書去一別而今佳節度黃花
開未白衣到否籬落荒涼處 呼喚歲月還秋暮空腹便
便無好句菊意愆期開未許那堪惹憾年來此日長是蕭
蕭雨

送人歸新城 點絳脣

音信西來匆匆思作東歸計別懷縈繫爲箇人畱滯 樽
酒團圓莫惜通宵醉還來未滿期君至只在初三是

賀童子德英 三首

德英湘鄉人淳祐十年庚戌神童科廷試進士德英七歲通毛詩春秋淳祐閒父以事繫獄德英詣縣令乞試贖罪令試詩賦策各一立就表於朝與

金起巖等同試德英居第一年十四卒

湘鄉縣志文苑傳德

英有夙慧能屬文應神童選年十二詣縣自陳乞試贖父罪令試以毛詩春秋語孟論策詩賦各一題援筆立就其聖小兒詩云云令見之驚異率同僚宴之日暮微雪命賦詩立就今佐其相驚獎薦於州時鄧炯守潭州仍試其所習遂薦於朝名試諸引試都堂時同試者金起巖范景文等十三人惟德英以三場合格居第一理宗御試紫宸殿百官共賀引神童再拜謝恩時有獻畫領帳者上命賦詩德英援筆立成一聯云易招通臂狀難寫斷腸聲上大禹賜金花錦紵祭酒某貽詩云京闕人家驚地動湘南童子破天荒及歸謁縣官趙丞不出乃題廳壁云云蓋識其特科出身年十四忽一日作詩曰只因誤上天孫表謫向人間十四年遂擲筆而卒

聖小兒詩

英秀鍾河岳生來號聖兒雖云年尙小不待學而知博古
通今識超羣邁秀姿浩然食牛氣非若聚魚嬉祖瑩耽書
日甘羅入相時看看頭角長身到鳳皇池

賦雪

誰翦銀河水飛花出漢羅月明人競往踏破水晶街

題縣廳壁

昆明池裏躍金鱗怒目揚鬚不露身想是龍門曾點額至
今羞見釣鼈人

句

易描通臂狀難寫斷腸聲

詠畫後

郭參政鳳二首

鳳寧遠人寶祐元年癸丑進士

一作淳祐七年

歷官翰林

學士出爲廣東參政與樂雪磯先生同榜雪磯詩
別錄二卷參政有遊九疑詩五首其二首一作郭
鵬詩見總集十八卷以名姓畧同傳鈔之誤也

重華巖

重華人逸夏商前奚取名巖紫洞巔深入纔如窺寸管仰
瞻早已到中天仙田有跡閑芳草韶樂無聲寄滴泉遐想
溫恭遊古昔恍如瞻對聽虞弦

舜廟

雲封舜冢杳難尋徒取韶韶索九陰學講執中憑古籍道

傳精一抱遺心五臣山拱如班瑞二女峯和似鼓琴英爽
不磨天地老萬年悲淚植篁琳

句

遺響簫韶猶尙奏號痕湘竹淚新飄

沅湘耆舊集前編卷第二十三終

新化耆舊集前編卷第二十四

新化 鄧顯鶴 子立審編

男琮謹輯

雪磯先生樂雷發

古今體詩五十九首

雷發字聲遠寧遠人寶祐元年特科第一進士先生少穎敏工爲詩湛深經術慨然有澄清天下之志屢舉不第寶祐改元其門人高安姚勉述之以詞賦擢第一上疏請以讓先生理宗詔親試選舉八事先生言臣來自遠方懷忠欲吐意陛下必策以當世之務理亂安危之機而聖問所及乃止於此毋乃慮臣等觸時諱而不使之言乎抑慮臣等

有待對之帖而問其所不備乎甚非策士之本意也雖然人材亦國家之重事陛下求學術者則欲其達性命而學聖賢挺氣節而發言議求才知者則欲其理國家而窮民事裕邦計而捍邊陲則亦皆時政之大者臣敢因陛下所問而條其所對然後以臣所欲言者爲陛下言之語多不錄時論比之劉蕡疏上理宗嘉納之賜特科第一人因議時政不用竟不仕歸隱雪礪自號雪礪先生因以名

其詩稿有雪礪叢稿五卷今錄二卷

四庫全書總目提要雪

礪詩舊列江湖集中而風骨頗邁調亦劉亮實無
狠雜巖側之嘆視江湖一派迴殊蓋江湖集中多
遊士而雷發則恬澹無求人品實高也集中如寄
姚雪篷寄許介之送丁少卿讀繫年錄諸篇尙有

杜牧許渾遺意即秋日村落絕句一路稻花誰是
主紅蜻蛚伴綠螳螂之類雖涉纖仄亦無俗韻也
又姚勉雪坡文集云勉受業於樂雷發詩法頗有
淵源雖微涉粗豪然落有氣琮琤雪微發稿刻
於南宋寶祐中先生自序云余少時溺志纂組比
當鞭辟近裏以進聖賢之學其敢以詩鳴哉然其
詩沈著瀏亮在南宋中實不可多得而世影知者
矣詩見陳起江樹小集近人所刻南宋名賢集楚
以南僅先
生一人云

登濂溪太極樓

岑樓跨層崖灌木翳頽沼曠哉宇宙心况茲展遐眺前哲
日以遠川麓被文藻芳甸馥荃蘅江渚雜鳧鳥亭亭沼中
蓮冉冉庭下草叩寂參太極撫化領眾妙俗薄神理乖力
柔聖途杳英英考亭翁反心會天奧萬里粲良言一誠貫
元造曷哉登樓人畢竟盡此道深根復深根篤行以爲寶

送程營道官滿赴闕

高靈振爽籟蒼雁鳴芳洲傾城饒茂宰鄉耆羅藻舟茂宰
蘊淵道厥源滌伊流宇吐振仁策範俗惇聖猷夷心灼理
要政簡吏統周芳風被儒肄惠澤淪農疇魯封有馴雉張
廷無訟牛慨茲戒徂兩離衷鬱綢繆贈我茂叔蓮紉君晏
子裘慶霄際鳳躍神囿瞻麟遊世道日以隘民瘼誰克瘳
厲志抗遐業吹萬溥九州揆子忝皇鑒敷文免征愁行行
重行行夷庚無駐舟

次韻李監永日夕閔雨

種畦早欲槁蒺藜秋向榮哲匠軫民瘝慨此疚魂明蓐收
正揪斂肥蠶何縱橫仰霄際蟾曜聆埳埳鵲鳴彼美玩華

光芳尊酌蘭生崇樹歌窈窕秀質羅輜駟節序孰不歡宅
生念匪輕同袍正焦灼對酒何忍傾恤喜限惛知同茲幾
陰晴淦淦山雲起策策林飈驚企彼天瓢潤與此農耨聲
崇情發翰墨賞心謝籌觥溥澤乃夙念官爵豈所營榮賤
有異分感茲友嘏耕

次韻李監丞城西紀遊

山緡問寥闊詠瀛滌塵囂駕言城西遊慨彼往哲遙儀鳳
不可呼駕鵠浴清瀟懷哉光風香薰若吹涼飈蒼梧隴雲
愁康廬草木彫豈無人希周亦有文規姚佔畢末學阻俗
薄神理銷沿流浮伊洛源竊義堯執中與太極萬古瞻
魁杓察微篤強力賢聖誠非遼舜宮莽灌木瀛塾栖叢茗

觀乎紀遊作悟彼進學條蘭卮娛才彥豈謂磊魂澆得深
清賞愜理勝英藻超揆予果何爲農野勸耕穡景迫昧見
道曷奉德化昭

次韻李監丞同劉玉淵遊七泉

世變如流水前哲嗟逝川良牧隆化本訪古漫叟泉念茲
名泉意感邇末俗偏淵寶與嵌曰杖屨聊回旋不識漫叟
心曷誦漫叟篇惻念軫蒼屺溥澤同一天蟻聚與燕跪命
義當亦堅回邪乃敗德毋以已欲專夸士五鼎辱窮爵或
自鑄臨流歎澆風薄言傾酒船漫泉旌吾志陳泉打舊傳
漣漣滂沱銘石昭萬年無限感發人黜指敲墨也歲月
亦云久古迹埋塵煙泉根名已泐泉上樹猶仙森戟呵虎

士誰能聽游潏理義著今古貴賤俱荒阡今公七泉遊陵
谷尙未遷勵俗振古道茲誦惡曲圓劉侯同襟期廣唱揮
彩椽漫叟誠有知騎鯨躍層淵彼哉賊君父圓曲工求權
厲民恣屠斫巧宦勤攀緣安得激七泉布作化雨宣

送綱齋李監丞赴湖南提舉

吏統久已紊使選匪易爲竭虺何蓁蓁鴻雁何纍纍持節
豈不多曠職苟所私緬懷紫陽翁昔使東浙湄陳臬糾官
邪揚仁蘇民疲茲道有先後哲儒昭令規綱齋寄蕭牧邯
懋灼帝知勵廉肅案察反稅驩鄉耆所學蘊淵道寬嚴權
理宜茲總全楚境歌此皇華詩位穹民言邈壤廣吏蠹滋
問俗職所重簡僚乃政基視聽貴遠周細微在可遺攬轡

戒前路豈爲好爵廢揆予忝英盼懷德念別離別離果何
愈康濟乃所期懿茲遠大業肇此咨度時勗哉振英采慰
我湘民思

秋夜感懷

溽露霑濯莽華月流高雲吟嘯嘉此夜撫化悲蕭辰蕭辰
何所悲遊子多苦辛道峻壯力謝業遐昌志湮兮鬢日以
變豐景將遂淪堪輿一大宅羲娥爲旅人卉木互榮落庚
蟀何吟呻氣隨稚耄變理勝卹喜均反性樂天爵測化葆
道真撫卷慨往哲芳猷邈難親

九疑紫霞洞歌

猗歟奇哉紫霞之洞真天開千變萬化不可述恍疑幻出

壺中之蓬萊湘濱兩姝不敢到悵望蒼梧雲縹渺爾來三
千三百年斑龍空臥金光草我採姥女江華濱是爲三十
六帝之外臣右持綠玉杖左攜紫金經長歌天上謠一呼
開仙局列炬照深窈懸身事幽討羣仙喜我來驚笑欲絕
倒何侯撫我頂偉遠拍我肩綠華贈我金條脫安期分我
紅景丹借問此何地指言太虛天翠霞紫雲張寶幄懸黎
結綠盤瓊珞萬疊蒼苔荒石田誰呼青龍耕紫煙帝撤銅
牆未偏識擬開寶藏抽雲笈嗟哦水際披蓑翁應是錢鏐
釣神龍仙人仙人何多事驚世駭俗變靈異或跣巨足垂
天雲或印短趾流沙薄或現姑射處子身粉霞紅綬藕絲
裙或示普陀大士形或持簪柳垂寶璫或插鏤象管或結

火齊珍或琢，玉或布祇園。金洞中之深，不知幾百里。
但見縈紆曲折，一里一澗水。人言有路通桂林，乘興欲尋日。
華君吾聞洞中大小洞天三十六，帝遣列真分治局。上界
官府應更多，定知此洞今誰屬。猗歟奇哉紫霞之洞，真天
開我上會稽探禹穴，復浮蒼海登天台。巖谷豈無奇，視此
何塵埃。摩挲崖石題惡句，記我杖履敲雲來。黃涪翁元漫
叟目力一生空，宇宙澹巖陽華有何奇。枉費篇章刻石竇，

烏烏歌

莫讀書，莫讀書，惠施五車今何如。請君爲我焚卻離騷賦，
我亦爲君劈醉太極圖。竭來相就飲斗酒，聽我仰天歌烏
烏。深衣大帶講唐虞，不如長纓繫單于。吮豪搦管賦子虛，

不如快鞭躍的盧君不見前年賊兵破巴渝今年賊兵屠
成都風塵瀕洞兮豺虎塞途殺人如麻兮流血成湖眉山
書院嘶哨馬浣花草堂巢妖狐何人管中行何人縛可汗
何人九泥封函谷何人三箭定天山大冠若箕兮高劍挂
頤朝談回軻兮夕講濂伊綬若若兮印累累九州博大兮
君今何之有金須碎作僕姑有鐵須鑄作蒺藜我當贈君
以湛盧青萍之劍君當報我以大乙白鵲之旗好殺賊奴
取金印何用區區章句爲死諸葛兮能走仲達非孔子兮
孰卻萊夷噫歌烏烏兮使我心不怡莫讀書成書癡

寄雪蓬姚使君

贈君昆吾湛盧之寶劍青雀黃龍之巨航懸黎垂棘之美

玉都梁篤耨之名香佳人佳人在何處濯足洞庭望八荒
揭車馥馥薜芷綠欲往從之道阻長倚寶劍兮翼軫膠巨
航兮沅湘玉以彰君子潔身之德香以表騷人流世之芳
我所思兮隔秋水天吳翕忽蛟螭翔佳人佳人蹇誰與愛
而不見心盡傷

胡料院出示車攻圖仍索俚作

九壤臥龍呼不起乳臭談兵空滿耳書生未識玉帳經且
抱此圖究終始姬家出車詠嬴家小戎詩衛家武剛捍突
騎馬家偏廂走羌夷只今車陣無人識天狗橫空麗腥血
胡人以鞍馬爲家誰遇奔衝展奇策豫章先生今孔明胸
中森羅萬甲兵天衡地軸妙絕識內陣外圖何縱橫千枝

綠沈列爐虎萬臂黃閒張白羽人言險野難用車公獨規
模掩前古車攻圖車攻說八采眉前曾進徹世人苦謗陳
濤斜卻向齊門空鼓瑟今朝朱幡富川頭絕江以北瞻神
州李綱政要講車戰南渡勛業應可收涇水黃鐵山碎雙
輪快輶幽燕地朗誦先生復古篇他時此筆猶能繼

壺中天歌贈侯明父

蓋頭卽可居容膝卽可安連雲大厦千萬閒何如壺中別
有天壺中何所有筆牀茶竈胡蘆酒壺中何所爲目送飛
鴻揮園絲窗前祝融老僧竹壁上九疑狂客詩壺中主人
知爲誰啖棗仙伯雪鶴安左攬彡微袂笑移砥柱弄河水
右拍長房肩飽餐麟脯傾玉斝蓬萊山在何處勸君且出

壺中住不會上列金馬門也應不識崖州路探禹穴浮沅
湘腳下塵土鬢上霜我到壺中如故鄉

謝楊孟溪縣丞惠以章墨

白首侯芭蜀江邊曾向君家傳太玄射熊草賦畱殘墨想
應當日還渠得飄零瀟酒幾世孫解得膠法春玄雲物理
往來元莫則後世子孫選舊璧君家所有更贈君君還贈
我何殷勤感君殷勤復三歎努力西窗磨鐵硯太玄艱深
吾不爲願寫誠齋易傳探玄機

佳人兩章寄許東溪

衡之山鬱蒼蒼我有佳人在山之陽木難爲佩兮錦爲裳
愛而不見兮我心憂傷安得爲鵬鵬凌風置君旁衡之山

鬱蒼蒼

衡之江清且漪我有佳人在江之湄朝餐落蘼兮饌江離
欲往從之兮我馬虺隤安得爲孝高沿波與君隨衡之江
清且漪

訪伯父幽居

對坐如禪舍閒燒石乳香書看新講義藥問未傳方僕語
梅花裏僧經竹案傍題詩吾豈敢窗戶半吟章

桂林懷李景魏

陽華萬疊雲無計得相尋所學皆時好何人知爾心莎城
百粵遠雪嶠一翁吟正是懷人極天寒奈水深

桂林送人之瓊州招捕海寇

先相齋集

菲編卷第二十四

八

川

警家洲畔路別爾苦忽忽說劍令人喜耽吟與我同旌旗
楓鬼雨舟楫驚憐風想到瓊峯頂題詩更紀功

與李盤翁知縣登七星山弔石道士

幢嶂矗空青耽幽共一尋苔荒碑意古茗苦道情深有興
梯蒼壁無才詠玉簪吟仙何處去我輩復登臨

次韻史主簿雨夜見寄

水長許由溪春寒入竹扉幾人聽夜雨惟我怯單衣樹鏐
青鎗耿離根白菌肥明朝有忙事推枕問漁磯

道中逢老儒由蜀出

丙穴魚應好曾經問釣磯干戈今未定城郭是耶非詩社
尊黃髮侯門薄布衣乾坤滿豺虎見爾一歔歔

時事

時事如頽屋誰堪任棟樑國貧僧牒賤邊病檄書忙有分
憂宗社無才出舉場未應王謝輩揮淚送斜陽

逃戶

租帖名猶在何人納稅錢燒侵無主墓地占沒官田邊國
干戈滿邇州瘴癘偏不知攜老穉何處就豐年

登江華寒亭

到此心先怯千峯迴不看年深碑字淺日薄樹陰寒石鐫
巢蜂乳籬根墮鳥殘愛陰還畏嶮不敢倚闌干

訪表叔李竹齋

門庭接豆根吟避市塵喧每愛詩無敵應知學有源雲山

供俎豆筆硯長兒孫愧我相過數秋風酒一尊

擬長沙訪姚雪蓬至永返賦此爲寄

今傍南軒住應知理趣精通書多似易論語不言誠擬欲
聽微論猶能慰別情江湖風浪隔腸斷楚鴻聲

兩夜讀陸放翁集

鑪冷童吹火山房夜黯然溼薪添焚蕪苦茗帶芎煎燈暗
瀟江雨詩吟笠澤煙老仙何處去搔首弔塵編

送黃天河

天河那可到山頂翠參差村屋煎黃蠟官鑪焙荔支地蠻
游宦少縣小逗賓遲鼻祖曾吟處荒苔想滿碑

呈趙叔愚司理

問戶垂楊句江湖半世看不應求五嶺卻自建孤壇浙社
朋游盡唐詩氣味寒今朝流水譜只可于期彈

夢訪劉漫堂曾雪巢二先生

前輩風流歎江湖欠賞音尙期行古道誰解識余心月浸
金壇冷雲歸玉筍深瀟湘風雨夜空得夢相尋

清湘逢廷對人歸因問時事

南客帝鄉歸青袍照綠髭問知當世事解誦聖君詩淮蜀
軍書急湘衡邸報遲空傳廷試策章布說邊陲

南林寺

律院僧應俗亭荒草木剛無碑堪考古有客自看山竹好
惟嫌密雲多不自閒小溪知最近童浴夜方還

寄雪蓬姚使君

湘鱗六六寄相思疏柳新蟬想別時今夜各聽三楚雁秋
風又老一年詩梅花且補離騷闕蕙苴應爲史筆知翦竹

疑峯新製笛待衝霜月訪桓伊

自注使君
時寓衡陽

謁山齋先生易尙書

淳熙人物到嘉熙聽說山齋亦白髭文字盡傳融水後精
神如戰醉雍時靈椿終不爭朝菌著草惟堪養壽龜細嚼
梅花看總義只應姬老是相知

琬案此詩一
本無中四句

送桂帥鍾尙書赴召

老依牙蘓撚吟髭又折梅花話別思五嶺不遮鸞鳳詰四
方都補鴈劄詩人才真魏調零後國事江淮倥傯時賴有

老臣經濟在快呼桂醕餞簡師

題鍾尚書北征詩藁

野雉江鷗滿故都秋風禾黍撚吟鬢六千里外驅旃旆五
十篇中見版圖金鉉尙期扶日御玉衡終令正天衢書生
亦有中原志那得君王丈二皮

呈廣西張提刑

隴續城邊按部歸梅花隨處撲征騏溪山有助吟題徧獄
市無冤訟牒稀竹屋聽猿眠醉月莎庭引鶴步斜暉莫嫌
瘴霧侵湘客滿路風霜冷泉衣

閒居自遣

雨積桑樞長昔邪誰能載酒訪楊家漢庭用少臣今老魯

俗皆冠我獨髭憂國苦無繇
忍草看書喜對決明花衰頽
懶作江湖夢擬刷三楹養幾華

許由溪上小屠蘇紅樹蒼山對一臞
白髮功名惟劍在青
鐙活計併雖無誰言荆楚多奇士卻笑乾坤一腐儒
桐帽貂冠俱有分寄言兒輩莫揶揄

寄樓居朱漕

住近江心古寺邊幅巾應伴浙僧閒
官銜自管金陵觀世
業多依雁宕山山處要留青史看功名且逐白雲還殷勤
爲祝樓居月好照橫舟漱碧灣

呈姚雪蓬使君

祝融應自勝崆峒且讀通書辦聖功
事可語人甘受謗詩

能名世不嫌窮春邊採藥收湘芷月下調絃送楚鵲賴有
行人碑尙在棠陰依舊戀東風

雪蓬見示送趙東巖巡部詩

皇華歌徹酒杯忙澤畔騷翁送范滂琴帶銜雲泣索潤馬
冷湘莖轡絲香山中狸豹隨吟旆部內豺狼入按章卻笑
詩寒吟骨聳愁看酬唱挾風霜

書蕭午巖集

向來楊陸共崢嶸吟到停雲趣轉清古似洞庭張雅樂巖
州望斂殘兵茵陳終不肥方朔茅苴何堪病冉耕細讀
殘編搔白首未應造物忌詩名

滕王閣下賦

海濱耆舊身
前編卷第三
越航蜀舫亂相侵風飽千颿帶雨開閣上鳴鑾今已往江
頭飛鷺只堪哀柳汀絮滿河豚賤桃塢花殘石首來應接
溪山吾不暇自憐白髮欠詩才

宿金灘

龍吏崖翁是賞音江流泯泯對秋吟天蝦撲火帆檣晚水
狗梢魚島嶼深千里庭闈雲滿眼十年湖海雁驚心今宵
客枕清如水稱讀西山夜氣箴

寄許介之

惹得詩名遍九州酒徒茶伴半公侯離騷甘隱魚鱗屋樂
府多傳鳩鵲樓醉葉幾窠藏菊徑蠹荷三畝護漁舟中原
應有樓蘭國空鎖吳鉤到白頭

聞邊起寄姚雪蓮

淮烽蜀燧照邊隅
白髮憂時老腐儒
楚客汀洲羣杜若
齊王沮澤索髭胡
吮吟自愛南遊好
久謫曾謀百事無
擬對祝融捫蝨話
何時重將使君須

寄仙巢先生鍾尙書

吹香亭上送飛鴻
且把行藏寄蜀桐
老境只須尋遠志
世途還要避沙蟲
公於天地初何憾
道在邱園固未窮
曾是轅門投卷客
應憐聽雪臥蓬蒿

送丁少卿自桂帥移鎮西蜀

瓊海收兵玉帳閒
又移齊艦滌涪灣
三邊形勢全憑蜀
四路封疆半是山
魏將舊聞侵劍閣
漢兵今欲卷函關

自注時會

有三京細傾瑞露論西事想在元戎指畫間
之役

訾家洲

竹塢松灣徧履痕斷碑無首野苔昏江山應識前賢事裴
柳今存幾世孫島霧海霞留古意春猿秋鶴冷騷魂何人
會得登臨意閒嚼梅花伴酒尊

慈氏閣

崢嶸梵閣礙銀潢且對畦衣問馬王落日斷雲連楚粵缺
鐘壞像雜梁唐英豪已往雄圖歇棟宇猶存古意荒惆悵
石湖題柱在倚欄無句獨淒涼

雉山寺宋永初中有僧西禺誦法華經於此白雉應
之而化至唐黃梅五祖弟子喜登告祖乞巡禮五祖

應以遇雉卽止後至此開山本朝王初寮有題
薛緯蘿石擁殿扃獨倚筇枝問大乘白雉苦無千歲種青
山空識六朝僧詩傳北岳刊新帖禪接西淮冷舊鐙擬鑿
冰泓澆陳硯禊亭閒借法華膳

擬游長沙至零陵忽動歸興

擬尋禹柏過長沙且泊愚溪問酒家歲旱可能飛石燕秋
高還看落天蝦乾坤納納催霜鬢歧路悠悠又菊花惆悵
草黃騏驥病歸心依舊遶煙霞

袁家渴泊舟

往事誰能問水濱停橈仍是薄西曠樵漁空自存袁姓鳬
雁何應識柳文釣艇分鐙歸客艇嶺雲拖雨接溪雲梗楠

蘭芷今何在空使行人誤舊聞

小樣袁家窰竹居買酒

江遠衡門接旅津鯉魚風歎水粼粼湘醕三盞澆吟思滿
碧千竿對老身題筆未能行客醉典琴不用主人貧隔江
誰棹高名麗滿載鷓鴣捉錦鱗

餞雲壑唐使君赴邕州

憇勢竹畔擁雙旌回首江籬隔楚汀曾向前賢參學問且
敘遠俗識儀型安南兵息寒烽冷羅殿馬來蠻草青懷望
鈴齋何處是遙瞻朱雀認詩星

寄吳茂遠

蘇公隄畔繫吟驢知在垂楊第幾株學校文章如畫解朝

廷官爵似呼盧春吟應欠梅花在時事曾言楮幣無惆悵
湘湄分袂處今看細雨長蘿蕪

戊戌冬僕客桂林雪中趙叔愚書張司業逢賈島絕
句爲寄今冬對雪感而有作

朔風吹水浸瓊沙曾共騷翁理釣槎對酒又吟端木集論
詩還憶款冬花飢能驅我甌儲罄老不饒人鏡影華擬喚
扁舟尋剡叟嶺梅瀟菊各天涯

寄蕭大山兄弟

梅花好處共心期曾擲天葩寄夢思兄弟自爲千古計江
湖方誦二蕭詩貪泉自喜逢廉吏倭國何因拜老師蕭穎士事
廣擬尋君攀桂樹路遙誰有借鹽騎自注蕭君見予有梅花且補離騷闕之句

爲之擊節雖未相識蒙書
二十首爲寄故首句及之